

新纂雲南通志卷一百八十七目錄

名宦傳十 忠烈二

清

吳偉績 李端元 胡錦堂 孫偉 江清駮 張輝

楊 覲 慶連顧葵 賜杜呈祥 陳 瀚 方師 孟 陳 宣 石翠瑄 楊有才

李青雲 蔣維墉 興 安 秦炳章 張同登 買炳

雷 焱 羅芬秋 任 淦 周行釗 蕭宗鄧

汪霖生 高廷桂 刁占春 王其瑩 周力墉

楊 源 馬偉堂 官正伍 楊中 南等 朱 暄 子文奎 文彬 陳景賢 管華 清

許岳徵 劉祚順 章官建 馮德 昭 潘如棟 子泰 來等 張紹平

潘允懷 錢體元 馬九奎 陳奎恩 關展基 馬呈 瑞 福 申 王 濰

新纂雲南通志

卷一百八十七 名宦傳十 忠烈二 目錄

張訓銘 許 級 劉潤華 郭樹雲 吳榮禧

陳先瑾 徐自森 周景陞 吳維鼎 楊咨懋

潘 鐸 黃培林 翟怡 曾劉春圻 林 森 陶成滋 錢錫 張化龍 周子彬

嵩 瓚 司馬楠 子焜 耀 賀 等 丁嘉涪 饒鼎元 楊 愷

周繼祥 魯國煊 張 愉 丁鳳章 李子建 姚 瀛 吳秉忠

張樹楨 翁文彪 屠道閑 張錫璜 李少白

林森棠 彭 蚪 尤忠義 胡德鏊 朱士達

方長齡 沙成金 覃富連 趙占魁 李棠華

鄧吉福 謝輔高 維鴻 儒 鄧福壽 李祥發 李 發

楊起才 劉洪順 譚仁逸 李堂福 陳邦彥 周鳳山 楊保恆

方開東 何萬鎮 尹日 勝 彭光忠 楊逢春 奎 譜

李士英

朱發明 楊春高等

熊子鳳

羅熙藻 羅芳藻

自翼廷

蔡廷棟

李士模

祖大章

賴登飛 黃世寶

黃玉春 劉三超

王永順

李珏

胡運興

管書雲

岑寬德

孫偉望

黃光緒 吳從卜

黃明星

黃永順 郭順玉貴

羅德明 李湘源

周代發

李日全

蘇廣成

王得勝

李玉堂

李陞

洗誠

王萃民

尹登雲

張象奎 弟德潤德成

劉錫光

馬國良

盛光斗

王哲

王萬鎰 盧三清

徐承勳

王有陞

張彥文

王震基

秦濬

傅炳墀

李世琛

張嘉鈺 張桐曹某

鍾麟同

世增

王振畿

范鍾岳

孔繁琴

毛汝霖 羅某

石家銘 李桂清

琦璘 石慕唐

胡國瑞

新纂雲南通志卷一百八十七

名宦傳十 忠烈二

清

吳偉績官元謀縣典史咸豐十年二月西逆竄踞馬街以另股犯縣城十九日偉績率練勇禦之力戰陣亡 志岑

李端元儘先補用府經歷咸豐十年西逆陷楚雄端元率兵練營於小腰站以禦之三月十八日賊悉驍悍分股環攻端元亦分軍迎戰自辰及午子藥俱盡士卒傷亡過半賊復乘風縱火列營皆燃端元猶持刃力戰營陷被執罵賊死之 志岑

胡錦堂浙江會稽人寄籍順天大興縣任緬甯巡檢咸豐七年西逆圍攻緬甯錦堂率兵練固守間出奇兵攻之先後斬獲無算賊恚甚

新纂雲南通志

卷一百八十七

名宦傳十

忠烈二

清

糾合各處土匪築長圍數重日夜輪流猛攻復穴地以火藥轟倒土城數處冒死突入皆為錦堂所卻力守三年援糧俱絕至十年閏三月初八日城陷錦堂率親丁巷戰鏖至日晡力竭死之 志岑

孫偉官廣通縣典史咸豐十年閏三月西逆陷縣城偉率親丁巷戰力竭死之 志岑

江清驛浙江錢塘人由監生官廣通知縣咸豐十年閏三月匪徒馬現彩李方元馬履泰等由易門羅川竄陷廣通清驛率紳民巷戰力竭死之訓導張輝煌亦同日戰歿 志岑

楊覲江西清江人廩生官楚雄知府咸豐十年四月曲江匪首馬某陷府城覲與副將慶連教授顧葵陽把總杜呈祥均巷戰死之 志岑

陳瀚廣西桂林人候補知縣寄居楚雄咸豐十年四月二十二日匪

陷府城被執死之又有試用從九方師孟署楚雄縣典史亦被執不屈而死志岑

陳宣順天大興人官定遠縣典史咸豐十年五月匪徒馬成林陷縣城宣奮力巷戰被創死之志岑

石翠瑄

宣唐志作瑄

四川瀘州人官從九品投効楚雄軍營咸豐十年奉委率練勇營於尹家山防堵六月初二日賊大股麇至翠瑄分軍迎擊賊佯敗以誘之翠瑄督諸軍健進賊伏四起斷我軍爲數截而以驍銳圍翠瑄且數重翠瑄率所部奮力突圍賊冒死抗拒槍礮如雨卒不得脫乃慨然謂其下曰人誰不死特不得其所則死爲徒死耳今與諸君裹創吮血鏖戰竟日使城中得以有備賊雖至亦可藉以無虞則我等死猶不死矣言訖挺身陷陣力竭死之同時所部傷亡略

新纂雲南通志

卷一百八十七

名宦傳十

忠烈二

二

盡岑志

楊有才四川人以軍功保守備咸豐十年六月隨勦彌渡踞逆戰歿於江官廠志岑

李青雲湖南人以軍功保千總咸豐十年隨提督褚克昌勦彌渡踞逆六月營陷自縊以殉志岑

蔣維埔浙江歸安人由監生官至運同銜路南州知州咸豐十年七月澂江匪徒犯州城維埔率紳民固守城中糧盡維埔集紳民謂之曰賊勢日熾而孤城援絕旦夕不免於死與其坐斃不若背城一戰或可冀萬一之生即不然亦得以殺賊自效稍盡涓埃衆皆泣維埔乃簡城中丁壯率之出戰賊分三路包截我軍維埔督隊死戰自辰及晡力竭陣亡丁壯死者無算志岑

興安滿洲正紅旗人道光辛巳舉人官保山知縣署賓川州事成豐十年西逆犯州城興安率紳民固守糧援俱絕賊用地雷轟倒城垣蜂擁突入城陷死之志岑

秦炳章江蘇無錫人道光壬辰舉人官鶴慶知州署龍陵同知咸豐十年西逆圍攻廳城炳章督兵民登陴固守八月初四日城陷被執罵賊死之志岑

張同登安徽桐城人道光庚子進士歷官至補用知府護迤西道咸豐十年九月杜文秀遣匪酋蔡發春犯祿豐縣時同登駐祿豐督勦二十八日城陷同登與署知縣賈炳率親兵巷戰力竭均死之志岑

雷焱陝西同州人部選通海知縣奉委巡城咸豐十年十月十一日匪練滋擾督署焱趨往彈壓遂被戕志岑

羅芬秋江西吉水人增生候補州判幫辦大姚縣事成豐十年賊犯縣屬之石灰窰芬秋率練勇進勦賊設三伏以待我軍中斷首尾不能相顧芬秋鏖戰竟日力盡陣亡志岑

任淦騰越廳司獄代理賓川州事時州城久爲西逆所踞淦率兵練進勦咸豐十年在州屬之大興村力戰陣亡志岑

周行釗順天宛平人監生候補按經歷署易門縣事成豐十一年交卸回省正月十二日爲署提督林自清藉故戕害志岑

蕭宗鄧四川嘉定人廣通縣典史署舊衙坪經歷咸豐十一年正月二十日率練勇堵勦髮匪受傷身故志岑

汪霖生浙江紹興人候補從九品署蒙自縣典史咸豐十一年正月沙甸匪徒肆擾焚掠縣屬遠近村寨霖生奉委防堵墜馬受傷身故

高廷桂江西廬陵人任威遠知事兼署猛戛經歷咸豐間鄰邑相繼失守西逆勢燄日熾猛戛四面受敵且無城池可守廷桂儲糧集團竭力防禦遠近賊匪犯界者皆敗十一年閏三月二十三日率團勦猛戛大寨賊巢力戰陣亡其母梁氏率廷桂妻歐陽氏妾李氏陳氏弟妾周氏戚屬李莫氏子李榮焱僕陳泰婢富喜添喜同日以殉岑志

刁占春四川瀘州人署祿豐汛把總咸豐十一年匪犯省城占春率兵勇援勦戰歿於城外之五穀廟岑志

王其瑩試用州判寓居武定州城西逆陷州城其瑩及其妻馬氏均同日被害岑志

周力埔浙江山陰人官騰越同知咸豐十一年廳城陷被執遇害事

新纂雲南通志

卷一百八十七 名宦傳十 忠烈二 清

四

後奏卹如例岑志

楊源官通海縣典史署蒙化廳經歷西逆陷廳城不屈遇害岑志

馬偉堂浙江會稽人監生署南安知州咸豐十一年五月西逆陷南

安偉堂被執不屈死之岑志

官正伍字伯昕四川威遠人咸豐壬子舉人官雲南知縣保陞同知直隸州權永昌府事是時同城都司何俊受杜文秀偽命賊蔓至永正伍派部屬張恩洪分兵禦之斬何俊於麥廠一戰而克金官再戰而捷施甸文秀忿甚遣匪酋蔡七二率大股悍賊圍攻府城正伍率紳民登陴固守援絕城陷巷戰被創為賊擒至大理不屈死之同時練目楊中南家丁冷王何根泉桂庸三人皆遇害時咸豐十一年六月二十三日也

參岑志四川威遠縣志
李玉振張幼谷墓表

朱暄浙江錢塘人監生官者海巡檢署施甸巡檢咸豐十一年杜文秀遣僞將軍楊榮等率大股悍賊分道犯永昌連營數十里衝車地道百計環攻暄協在城文武竭力死守六月二十三日城陷暄率長子文奎次子文彬奮力巷戰同時陣亡志岑

陳景賢官保山縣典史推升思茅巡檢咸豐十一年六月西逆陷永昌巷戰陣亡又有署施甸巡檢管華清亦同時奮力巷戰被創而死

志岑

許岳徵直隸滿城人監生署廣通知縣咸豐十一年六月西逆圍攻廣通岳徵率紳民登陴固守時城中游練陰與賊通密誘土人從逆乙酉夜開城延賊沿街縱火城遂陷岳徵公服懷印自縊於署未絕賊解其縲以刃脅降岳徵極口大罵賊刃交下死之志岑

新纂雲南通志

卷一百八十七 名宦傳十 忠烈二 清

五

劉祚順四川華陽人由吏員官府經歷署馬龍州調署會澤縣篆時東屬不靖奉檄帶練進勦以赴新任咸豐十一年七月初一日抵縣屬之雨澤河賊匪四面麇集圍攻我軍祚順督軍力戰被創陣亡志岑章官建浙江烏程人官雲龍知州咸豐十一年七月西逆犯境官建率團勇赴舊州勦禦營陷死之又有候選布經歷馮德昭爲官建幕友亦同在舊州殉難志岑

潘如棟安徽當塗人拔貢任永昌知府咸豐十一年七月杜文秀遣僞將軍楊榮率悍賊萬餘由永昌河灣一帶竄陷雲龍州時如棟已卸永昌篆以道梗寓居雲龍城中城陷如棟朝服北向再拜從容自縊長子泰來及長媳並家屬九人均同時殉難志岑

張紹平安徽桐城人由監生官騰越廳司獄咸豐十一年九月匪酋

蔡發春馬惲璽陷騰越先使人往說降總兵明慶同知某游擊施化庸等皆從逆紹平泣涕力阻並陳戰守策明慶等拒不納紹平恚甚令其眷屬先服毒死手書一聯於楹云合署盡忠魂子弟妻女先我去滿城皆賊黨鎮廳遊守率民降書畢易短衣持刃呼於市曰吾食祿有年義不可辱爾士民皆食毛踐土有願報効者速從我殺賊得執械者二十餘人遂率之馳入賊壁大呼擊殺斬悍賊數十人紹平身被重創力竭死之二十餘人同時戰歿騰越人至今稱之志岑

潘允懷廣東順德人署晉甯知州咸豐十一年十月曲江匪酋馬某率大股悍賊犯晉寧允懷與游擊錢體元都司李和等率兵民登陴固守適練日宋連潛降辛未夜乘間開門納賊城遂陷允懷體元均巷戰死之又有州吏曰馬兆奎江蘇人亦同時力戰而死志岑

陳奎恩四川金堂人任蒼巖縣典史咸豐十一年婆兮匪徒勾結夷人內應襲入縣城奎恩率親丁巷戰陣亡志岑

關展基廣東順德人任嵩明知州咸豐十一年匪陷州城展基率士民巷戰力竭死之又有州吏曰馬呈瑞四川會理人率民勇巷戰力斬數賊身被重傷立時陣亡志岑

福申滿洲人官至永昌協副將咸豐十一年逆酋蔡七二率大股悍賊圍攻永昌府城福申督兵練迎戰屢有擒斬賊穴地用火藥轟倒城垣數處冒死突入福申皆力卻之會城中糧盡外援復絕士卒饑不能戰六月二十一日城陷福申猶率親兵數人巷戰力竭被執至大理不屈死之時十一月初一日也志岑

王濰署景東經歷咸豐十一年十一月二十七日率練勇防勦景東

踞逆力戰陣亡

志岑

張訓銘安徽桐城人雲南縣典史咸豐十一年十二月在嵩明州幕中城陷罵賊被害

志岑

許級署廣通知縣同治元年六月叛將馬榮竄陷廣通級被執不屈死之

志岑

劉潤華江西龍泉人由軍功任鎮沅同知同治元年八月威遠踞逆犯新撫潤華率團往勦先後數十戰殲賊無算會景東恩樂相繼失守賊乘間復攻陷鎮沅遂合圍潤華於新撫潤華請援於普洱杜文秀又遣僞將軍尹建中僞大司馬楊德明僞大將軍陳剛等率大股悍賊兼程繼至潤華兵力既單糧饟復匱惟以忠義激厲士卒裹創喋血相持兩月有餘十月乙酉潤華聞援兵至率團出戰以期內外

新纂雲南通志

卷一百八十七 名宦傳十 忠烈一 清

七

夾擊賊合各營驍悍併力抗拒潤華血戰竟日力竭死之

志岑

郭樹雲廣東連平人會澤縣典史同治元年十月奉委赴縣屬之集義鄉勘災適遇太平軍石達開大股竄至被執不屈遇害

志岑

吳榮禧河南固始人維西通判同治元年委辦巧家防勦事宜十一月初四日髮匪陷廳城榮禧率團勇力戰陣亡

志岑

陳先瑾字公玉湖北孝感人監生普洱石膏井鹽課大使同治元年十一月西逆圍普洱府時先瑾已卸事寓居城中協同官紳日夜登陴固守月餘糧盡援絕守備王起已暗從逆力主議和先瑾獨抗言曰迤東南之匪未嘗僭號蓄髮故可議撫若西逆則不惟僭號蓄髮且僭設偽職更制度矣今與之和是降賊也况城已垂危賊豈肯議和而退倘我軍人各致死彼縱能克傷亡必多誘我以和殆欲懈軍

心而襲我也十二月戊戌鎮道各官赴逆營議和甫出城賊已由上月轟倒處突入矣先瑾聞警衣公服和藥將飲偽軍師尹建中勸之曰納賫小吏姓名知達部否且無守土責死何益先瑾曰吾納賫吏尚知大義汝冠乙科稱名孝廉乃不識一忠字耶建中慚而退先瑾北向再拜畢仰藥死之妾徐氏抱一女亦投井殉

志岑

徐自森署思茅同知同治元年西逆圍攻思茅自森率巡檢周景升守備蕭潤星千總魏逢陞等嬰城固守賊穴地以火藥先後轟倒城垣六處自森皆督逢陞等力戰卻之會城中糧盡援絕自森乃遣潤星馳赴各猛徵土練入援十二月甲辰土練敗潰又以普洱失守賊攻益力城遂陷自森與其妻宋氏皆仰藥死之

志岑

周景陞思茅巡檢同治元年西逆圍攻廳城景陞率民勇竭力防守

賊先後以火藥轟陷城垣六處景陞與千總魏逢陞力護倒口血戰竟日城賴以全會城中糧盡赴援各土練亦相繼敗潰普洱又復失守賊遂併力猛攻十二月甲辰城陷景陞率所部巷戰被創死之

志岑

吳維鼎署廣南知府同治元年奉委赴任途次遇賊被害

志岑

楊咨懋永北廳胡廷良幕友同治元年西逆犯廳城咨懋率練勇禦於廳屬之習甸力戰陣亡

志岑

潘鐸字木君江蘇江甯人道光十二年進士選庶吉士散館改兵部主事歷官至河南巡撫咸豐元年以失察屬吏左遷山西按察使二年授湖南布政使三年再以事被議降二級十一年特旨賞二品頂戴署雲貴總督自六年雲南匪徒作亂通省糜爛杜文秀蓄髮易服竊踞大理盡陷西路郡縣各設偽職守之署總督徐之銘撫迤南迤

東悍匪奏授回目馬復初馬如龍馬聯升楊振鵬合國安劉天元馬文成馬榮許春元楊先芝等官職自伯克總兵以迄都守有差各營員弁兵勇皆係降匪布滿省城政柄旁落大吏號令不行僅擁虛位兼以饑匱民窮辦理尤難前總督劉源灝福濟均逗遛不進相繼斥罷鐸毅然就道至成都會商川督駱秉章久之饒無所出僅得捐項萬金欲帶客兵恐礙撫局遂孤身入滇蒞任先是雲南藩司鄧爾恆升任陝西巡撫赴秦時路出曲靖宿於縣署爲副將何有保唆使匪練戴玉堂等所戕偪勒守令以遇盜聞有保尋被部下謀殺鐸廉得其實設法盡捕各犯誅之時臨安參將梁士美不從和議馬如龍率衆往攻與士美構兵鏖戰數月未解如龍屢敗盡調東路悍匪赴援尋甸叛將馬榮陰懷異志潛受杜逆僞征東大將軍印糾迤西匪數

千由武定乘虛襲省同治二年正月突入省城盤踞五華書院城隍廟等處人心恟懼鐸勒限飭令啟行榮以修備軍裝爲名詭詞緩期延不出省十五日鐸令閉各城門親赴書院彈壓直至藏書樓下責榮即日出城榮率逆黨鼓譟挺刃而前鐸叱之曰汝敢抗吾令非反而何榮揮衆犯鐸身受六傷登時遇害監院教諭華嶸罵賊死之事聞奉旨優恤加贈鐸太子太保岑志作少保銜予諡忠毅勅立專祠於五華山歲時致祭賞其子敦儼爲郎中敦仁員外郎敦偉敦傑皆主事鐸被戕時有任雲南府知府黃培林浙江會稽人署昆明縣事翟怡曾順天宛平人俱馳往救護培林行至西院街怡曾行至蓋忠寺坡下皆遇賊被害後從祀潘忠毅祠又有候補府經保升知縣劉春圻江西崇仁廩生亦同時趨救中途遇害參清史列傳岑志

林森貴州郎岱人由恩貢官州判署富民縣篆同治二年卸篆回省
正月十五日叛將馬榮戕總督潘鐸森罵賊被害又有府經歷陶成
滋馬榮之變被戕昆明縣翟怡曾幕友錢鎬江蘇無錫人間變自裁
以殉岑志

張化龍貴州黃平人附生任嵩明知州同治二年正月十五日在州
署爲逆黨金恩科牛啟文戕害岑志

周子彬

子彬唐志作之彬

貴州人任楚雄知府護迤西道篆同治二年三姚武祿

踞逆乘省城馬榮之變糾合悍黨分道犯楚雄鎮南正月甲辰陷鎮
南州遂併力進攻府城戊申城中叛弁開門應賊府城遂陷子彬率
練勇巷戰勇潰死之岑志

嵩瓚滿洲人官陸良知州同治二年正月尋霑匪徒竄陷州城嵩瓚

新纂雲南通志

卷一百八十七

名宦傳十

忠烈一清

一〇

被執不屈死之

岑志

司馬楠江南人候補通判署平彝知縣同治二年二月二十七日霑
益馬聯陞率大股悍賊襲陷縣城楠及長子候選從九焜次子耀皆
罵賊被害又有平彝縣典史賀清貴州人已卸事猶率家丁倪之伯
王某奮力殺賊同時皆遇害岑志

丁嘉涪試用從九品捐陞州判署姚安知州同治二年九月隨勦大
姚踞逆是月十一日率兵勇會攻縣屬之苴卻賊巢被創陣亡岑志

饒鼎元監生候補從九品署苴卻巡檢賊犯苴卻鼎元督團迎戰被
創陣亡岑志

楊愷四川廣元人昭通鎮左營千總同治三年賊犯府城愷率練勇
禦於南關外力戰陣亡岑志

周繼祥試用府經歷署廣南府經歷同治三年五月率兵勇進勦府屬之士富州踞逆賊張兩翼以待繼祥直搗中堅賊左右抄截我軍中斷首尾不能相顧繼祥奮力突圍中彈陣亡志岑

魯國煊四川敘州府人候補從九投効廣南府軍營同治三年奉委赴剝隘防堵五月二十七日賊至府屬士富州地方國煊率練勇禦之力戰陣亡志岑

張愉任永北廳同知同治三年杜文秀遣偽大司隸姚得勝率大股悍賊圍攻廳城愉與都司丁鳳章督兵民竭力固守將及兩月城中糧盡署總兵錢大川前往救援中途爲賊所阻軍不得前攻益力七月初四日城陷愉率親兵巷戰力竭死之鳳章與愉幕友李子建亦同時陣亡志岑

新纂雲南通志

卷一百八十七 名宦傳十 忠烈二 清

一一

姚瀛安徽桐城人運同銜候補同知同治三年率兵攻勦景東逆匪是年十二月戰歿於廳屬之關聖宮志岑

吳秉忠候補府經歷代理景東同知卸篆後赴新平察辦軍務爲土匪戕害志岑

張樹楨鎮雄州吏目陞威遠知事同治四年五月初五日賊陷鎮雄州樹楨巷戰死之志岑

翁文彪署普洱府通關哨經歷時普洱久爲賊踞文彪奉檄攻勦同治四年七月二十六日率練勇出戰中礮次日傷亡志岑

屠道閑候補典史代理彝良州同同治四年奉檄襄辦鎮雄軍務十月初二日賊攻放牛坪道閑率兵勇迎戰被創陣亡志岑

張錫璜福建侯官人監生補用同知署巧家廳篆同治四年西逆糾

合各匪圍攻廳城錫璜督率紳民竭力固守圍久不解錫璜乃率團勇出戰疊有擒斬十一月初四日復戰賊設伏以待自辰至午賊伏突起我軍腹背受敵錫璜督隊鏖戰被創陣亡屍骸爲賊碎裂無遺

志岑

李少白四川長壽人候補府經歷署金江知事同治四年隨官軍防勦十一月二十三日兵敗被執罵賊遇害

志岑

林森棠四川華陽人按察司經歷署鶴慶州印務同治四年十二月二十日西逆圍攻州城森棠率紳民登陴固守賊以巨礮轟擊城堞摧圮森棠督親丁力護倒口中礮陣亡

志岑

彭岫號冠山江西萍鄉人道光戊子科副榜就職州判援例以通判分發雲南加運同銜同治三年署署義縣事時滇亂方亟各處土匪

新纂雲南通志

卷一百八十七

名宦傳十

忠烈二

一一一

蠡起岫修城集團爲城守計四年河西土匪焚掠南鄉並遣大股由西鄉潛襲縣城岫率團往勦聞警回援突遇賊於稗子溝岫督團力戰卒以衆寡不敵身被四十餘傷立時陣亡

志岑

尤忠義廣西凌雲人補用把總同治四年隨攻豬拱箐賊巢迭次受傷卒於軍

志岑

胡德鏊四川會理人文生投効軍營保升縣丞同治五年隨勦姚州踞逆中礮陣亡

志岑

朱士達順天大興人監生候補知縣署大姚縣事同治六年七月西逆圍攻縣城士達率紳民固守城陷賊執士達至大理脅降不屈死

之

志岑

方長齡湖北江夏人監生署楚雄知縣同治六年西逆圍攻楚雄長

齡督紳民固守糧援俱絕城陷死之志岑

沙成金四川西昌人投効來滇累功保千總同治六年隨勦甯州屬婆兮踞逆是年七月力戰陣亡志岑

覃富連廣西西林人補用把總同治七年西逆犯省城五月初四日在北門外馬村力戰陣亡志岑

趙占魁貴州人補用把總同治七年西逆犯省城五月二十日占魁率兵勇禦於東門外之東村力戰陣亡志岑

李棠華湖南永興人補用把總同治七年七月二十三日隨勦尋甸踞逆力戰陣亡志岑

鄧吉福湖南人果後營千總同治七年九月隨勦尋甸踞逆進攻州屬之鳳梧山馬石窩等處賊巢中槍陣亡志岑

謝輔高記名千總與記名把總羅鴻儒均湖南衡州府人同治七年

隨勦嵩明踞逆是年十一月先後戰歿志岑

鄧福壽廣西馬平人儘先拔補把總同治七年十一月派攻省城賊

營力戰陣亡志岑

李祥發湖北江夏人同治七年奉調來滇十二月戰歿於尋甸州城

外志岑

李發廣西泗城府人補用把總同治七年西逆犯省城力戰受傷因

傷身故志岑

楊起才貴州人補用把總同治八年隨勦昭通蠻匪正月初十日率兵勇進攻黑石凹賊伏猝起我軍中斷起才左右突擊被創陣亡又有劉洪順譚仁週均貴州人候補把總隨勦昭通蠻匪六月初六日

在黑石凹陣亡志岑

李堂福湖南永興人以援四川功擢藍翎千總同治八年奉檄赴滇
二月二十三日率兵勇禦賊於省城外之板橋力戰陣亡志岑

陳邦彥廣西人守備銜補用千總西逆圍攻省城同治八年三月初
九日率兵練攻大板橋賊壘中槍陣亡志岑

周鳳山浙江山陰人緬甯巡檢署河陽縣典史同治八年四月西逆
陷府城鳳山率練勇巷戰力竭死之志岑

楊保恆補用同知署澂江知府同治八年四月初五日西逆襲陷府
城巷戰死之志岑

方開東湖南辰谿人補用守備同治八年隨勦祿豐踞逆九月二十
七日兵敗陣亡志岑

何萬鎮湖南江華人候補游擊升補參將同治八年協勦祿豐踞逆
十月十九日督兵勇攻城被創陣亡又有尹自勝湖南衡山人補用

千總同治八年隨勦祿豐踞逆九月十九日力戰陣亡志岑

彭光忠貴州遵義人補用守備同治八年西逆圍省十月二十日光
忠率兵勇進攻板橋賊壘力戰陣亡志岑

楊逢春四川人武舉投東川營効力同治八年十一月初八日隨署
昭通鎮全祖凱進攻府屬之黑石凹五里坳長寨水營等處力戰陣

亡志岑

奎譜滿洲鑲藍旗人候選知府同治八年十一月督兵練攻勦賓居
賊巢被創陣亡志岑

李士英直隸鹽山人補用從九品同治九年隨征迤西彌渡紅巖等

處四月二十三日兵敗陣亡志岑

朱發明楊春高李長春金長保楊福春均湖南桂陽人儘先補用把

總同治九年五月派勦雲南驛踞逆先後中槍陣亡志岑

熊子鳳貴州人補用外委同治九年隨勦激江踞逆六月初七日在

府城外力戰陣亡志岑

羅熙藻彌渡通判與候選從九品羅芳藻均四川華陽人同治九年

七月十五日西逆圍攻王彥營熙藻率兵勇禦於九鼎山力戰陣亡

時芳藻營於城隍祠賊乘勝猛攻亦力戰陣亡志岑

白翼廷四川會理人候選府經歷率勇來滇投効隨署麗江府鍾念

祖勦辦西逆屢立戰功同治九年八月二十日克復鶴慶州翼廷首

先登城中槍立殞志岑

蔡廷棟貴州威甯人都司銜補用守備同治九年十一月派勦雲南

縣踞逆中槍陣亡志岑

李士模直隸人累功保都司同治九年委辦蒙化軍務途次彌渡適

值蒙化軍潰士模聞警仰藥以殉志岑

祖大章直隸人官提標千總同治九年隨勦大理踞逆營潰戰歿志岑

賴登飛廣東靈山人與廣西武緣人黃世寶均補用外委同治十年

二月隨勦激江踞逆同日陣亡志岑

黃玉春湖南邵陽人累官至參將補用游擊同治十年協勦彌渡踞

逆二月二十七日攻王家營逆壘玉春奮勇健進被傷陣亡又有候

補都司劉三超四川金堂人亦攻王家營逆壘力戰陣亡志岑

王永順廣西西隆人補用把總同治十年隨勦館驛踞逆三月初二

日中槍陣亡志岑

李珏四川西昌人儘先補用把總同治十年隨都司李芳宗進攻彌

渡賊巢五月初十日賊分股環拒珏酣戰竟日被創陣亡志岑

胡運興候選從九品同治十年九月三十日奉派赴緬甯平關營察

探軍情中途遇賊受傷身故志岑

管書雲署永昌府杉木和巡檢同治十年奉委解運永北軍糧十二

月二十六日行至杉陽石子坡遇賊被戕志岑

岑寬德廣西西林人累功至補用副將咸豐八年管帶粵勇來滇助

勦同治十一年正月進攻蒙化廳屬之圍埂賊巢中礮陣亡志岑

孫偉望候補縣丞代理順甯縣事同治十一年奉委隨威遠參將梅

洪順進勦緬甯踞逆正月十八日兵敗被執不屈死之志岑

黃光緒貴州普安人恩騎尉儘先千總投効來滇同治十一年奉派

攻勦婆兮逆匪二月二十六日中礮陣亡又有貴州永甯武生吳從

卜亦隨勦婆兮踞逆是年五月中礮陣亡志岑

黃明星貴州普安人投効來滇以功獎五品軍功同治十一年隨勦

館驛踞逆二月二十六日中礮陣亡志岑

黃永順廣西興州人補用千總同治十一年隨勦館驛踞逆三月初

一日中槍陣亡又有儘先拔補把總龔玉貴貴州興義人郭順貴州

貴筑人亦隨勦館驛踞逆是年三月戰歿志岑

羅德明江西安福人補用都司同治十一年九月隨勦館驛踞逆中

礮陣亡又有補用千總李湘源廣西嘉應人投効來滇亦於是年隨

勦館驛踞逆力戰陣亡志岑

周代發湖南湘鄉人補用都司同治十一年隨勦雲南縣踞逆九月十八日率兵勇攻圍埂賊壘中槍陣亡志岑

李日全廣西嘉應人補用外委投効來滇同治十一年隨勦順雲踞逆力戰陣亡志岑

蘇廣成廣西西隆人儘先補用千總同治十二年隨勦館驛踞逆因傷卒於軍志岑

王得勝貴州人補用把總同治十二年隨勦西逆二月二十三日進攻雲南縣屬之猛浪賊巢力戰陣亡志岑

李玉堂四川人累功保都司同治十二年隨勦騰越踞逆是年三月中礮陣亡志岑

李陞貴州人補用把總同治十二年隨勦西逆四月初二日進攻雲

新纂雲南通志 卷一百八十七 名宦傳十 忠烈二 清 一七

州被創陣亡志岑

洗誠選用縣丞同治十二年六月隨勦雲州踞逆初三日率練勇攻城奮力先登被創回營因傷身故志岑

王萃民四川資州人都司銜儘先守備同治十二年隨勦騰越廳屬之烏索賊巢九月二十六日率民勇進攻萃民首先陷陣被創陣亡

尹登雲貴州人補用把總同治十三年隨勦蒙化圍埂踞逆中槍陣

亡志岑

張象奎貴州貴陽人監生官通判權景東廳事同治間奉檄督辦景礮軍務疊敗賊於礮嘉乘勝追勦至小河口賊伏四起圍之數重象奎率其弟德潤德成血戰竟日均力竭陣亡志岑

劉錫光貴州人補用外委同治間隨勦尋甸踞逆在州城外陣亡志岑

馬國良貴州人補用外委同治間隨勦尋甸踞逆率兵勇迎戰中矛

陣亡志岑

盛光斗貴州人官邱北知縣同治間奉委赴任途次遇賊被害志岑

王哲四川資州人補用直隸知州光緒元年奉委赴騰越防堵營於

廳屬之和順鄉二年四月二十四日逆匪襲陷廳城哲率兵回援戰

歿西城外志岑

王萬鎰湖南人累功保至副將光緒二年叛奔蘇開先踞騰越萬鎰

與千總盧三清四川人奉檄援勦五月同戰歿於廳城外志岑

徐承勳順甯知府光緒二年閏五月土匪高顯等陷府城承勳自裁

以殉志岑

王有陞江西玉山人補用千總署臨元鎮雙水塘千總光緒四年曲

江匪犯臨安有陞奉檄會勦八月十九日在府屬田心陣亡志岑

張彧文河南汲縣人舉人光緒間官黑井大使調按板井大使逆匪

犯井彧文率練勇迎戰中槍陣亡志岑

王震基補用從九品光緒間委署通海縣典史赴任至河西沙河地

遇賊被害志岑

秦濬廣西人候補州同陞用知州奉派隨帶兵勇出關駐防越南山

西省城光緒九年十一月十七日法人陷山西濬率兵勇巷戰陣亡

志岑

傅炳墀四川涪州人同治乙丑進士光緒十年補元謀知縣在任數

年政聲卓著十七年正月因公晉省至武定州屬之冷飯橋遇會匪

黃子榮等作亂諭以大義不從遂被害

志岑

李世琛湖南衡山人以軍功得官光緒十六年部選祿勸知縣十七年正月武定會匪黃子榮等作亂陷富民戕元謀傳令於路世琛到任甫及一月縣向未設汛城亦圯毀過半倉卒調團無一至者逆首李憎率黨突入世琛知事不可爲衣冠升堂罵賊死之

志岑

按岑志忠烈門咸豐末尚有甘來旬焦騰蛟福瑞李英等四人同治時尚有文廷銑崔有學馮標劉同蓀潘銘恩崔紹中張凌霄史致中劉祖榮王國憲張昱丁與蘭羅建勛吳以烜英靈申敏李瑞生申有信沈戀班成名楊廣善榮光李鴻基黃增福馮開祥張家銘戚銘恩韋品良楊順張發貴許士坤張同壽楊勝輝文名世樂榮芳盧昌明嚴家同劉昌濂覺羅長壽陳宗舜魯曾瑩白汝翼呂

寶善潘福恆易文福宴昌言甘乃來張振英梁碩周之珪延厚等五十一人光緒時尚有王述先周樹桐李蘭桂謝文元鄭肇修殷有賢高汝桐陸純剛彭述訓田應穰王贊春等十一人除周之珪積有勳勞已改入名宦傳四編外其他數十人或以瘴死或以積勞死或在軍營病死皆與殉難者有別若置之忠烈傳中於義殊未安也故茲編循名核實概不登載

張嘉鈺字石屏湖南鳳凰廳人父某以游擊出師陣亡嘉鈺由世襲雲騎尉歷官至雲南昭通總鎮旋改騰越總鎮性剛直博涉史籍援筆立可成文酷嗜酒每飲必醉平居自奉極儉宴客極豐丰度峻整遇事敢言僚屬皆敬憚之時軍治竄敵凡將官營官無不侵蝕兵額以飽私橐者而嘉鈺統率諸軍紀律嚴明一兵一額從未侵蝕人皆

以爲難辛亥武昌革軍起滇中亦洶洶騰越張文光得會垣革軍書聯絡本地新軍防營遂以九月六日舉事兵臨城或勸且他避嘉鈺叱曰朝廷用我爲專閫大帥寄城池與生民之命於我他避可乎俄而圍鎮署麾下奔告曰城已失道廳俱逃請公速走嘉鈺厲聲曰城亡何有我走焉往奮然舉槍出至二堂大罵鼠輩敢謀反謂無天日耶舉槍擊革軍革軍開槍中嘉鈺死之時年六十有一騰人莫不哀悼時新軍統領張桐防營管帶曹某亦同日遇害

施汝欽騰越鎮張公殉難事略兼採訪

鍾麟同字建堂山東濟甯人入衛海武備學堂畢業初爲排長海擢至統領性剛正疾惡嚴嘗從鄭孝胥龍州軍中後調入滇充陸軍三十八協統領旋升第十九鎮統制官辛亥九月初九日七十三標兵變夜半自北校場卒入城攻軍械局甚急麟同率衛兵百餘人趨五

華山與變軍相遇手發機關礮擊斃數十人而七十四標駐巫家壩者馳入城兩標更迭戰山下日加午官軍傷亡多子彈盡麟同率衆突圍出轉戰力竭慨然曰身爲統將大局破壞至此何面目復生存耶以手槍自擊而仆事聞得旨優卹予諡忠壯

吳慶坻辛亥殉難記兼採訪

按滇省重九改革舉動極爲文明乃辛亥殉難記謂麟同自戕後變軍斫其頭剝其膚剖心而啖之想爲遠道傳聞所誤此等記載核與事實不符故刪之

世增字益三姓祖氏隸漢軍正白旗年二十七補旗學生員入同文館肄業六年盡通法文充法文副教習光緒十五年隨出使英法義比大臣薛福成充繙譯官以縣丞薦擢同知比還充總理衙門繙譯官二十三年送學生至法使法大臣慶常留充參贊二十四年使俄

大臣楊儒奏調赴俄繼楊者爲胡惟德疏稱其才以道員交軍機處存記加布政使銜三十年丁母憂歸繼丁父憂浙撫奏調充洋務局總辦巡撫張曾敷再論薦簡甯紹台道請終制開缺服除外務部奏調在丞參上行走三十三年簡山東兗沂曹道擢雲南按察使明年調雲南交涉使宣統二年擢雲南布政使三年七月調甘肅布政使未行而難作武漢之初發難也新簡滇藩以道梗不至而省城空虛新軍旦夕且變總督倚二三少年不設備世增諫不聽幕客請速交替可脫險世增以藩司有守土責義不當苟免謝之事亟商民恟懼法領事韋禮敦來謁勸移入領事館又謝之家人有懟者世增曰人孰無恥焉有一省大吏不能保護外人轉求庇外人者余得死命也揮眷屬出避幕客家而抱印獨處僕紀祥不肯去日侍左右以迄其

死故紀祥言死狀獨詳兵變之夕世增懷印徒步出紀祥從謁總督拒不見乃歸闔戶出手槍欲自擊紀祥奪之恚曰汝誤我俄而城中鼎沸軍隊突入挾以走問何之曰制臺已亡去省城無主請移駐諮議局世增不可衆擁之入講武堂守以兵索金助餉世增曰庫款檔案具在吾豈有私耶韋禮敦聞世增被拘來視且語衆曰世方伯好官汝輩胡不知吾姑代任軍餉二萬明日當送方伯至余館衆舉手謝置酒款之韋禮敦去衆曰吾屬無相害意詰朝送公行矣夜半槍聲作有楊某即楊友棠浪穹人馳入告守兵曰世方伯電請大兵至矣速殺之叩寢門急世增起出問故衆譁曰請方伯爲都督耳曰我藩司不能保滇土罪當死必強我有死而已衆以槍擬之世增曰欲殺我乎請速殺衆列階下發排槍自額至腰腹受五彈遂仆紀祥伏尸號曰主人

爲王事死我當殉主人汝輩速擊我有識之者曰此方伯義僕也免之紀祥乃爲整冠履市薄櫬以斂厝土地祠浹辰世增弟世崇至易棺改斂本旗首領以死狀上於朝奉旨追贈巡撫諡忠愍明年春世崇與紀祥奉喪還葬京師辛亥殉 難記

王振畿字華東山東滕縣人天津武備學堂畢業生初充哨長累擢至統領尋改道員入滇爲兵備處總辦研精武學治軍有節制辛亥九月省城兵變十三日被執不屈死先是新軍七十三標起北校場自北門斬關入踞電局攻軍械局及官署翌日七十四標繼之礮營馬隊並起奪東南兩城而七十三標據五華山攻督署總督依違未決振畿素與革軍意見不合遂遇害事聞奉旨照協都統陣亡例從優賜卹辛亥殉 難記 兼採訪

新纂雲南通志

卷一百八十七

名宦傳十

忠烈二 清

一三一

范鍾岳山東濟南府人天津武備學堂畢業生歷充排長隊官入滇充輜重營管帶任事忠實得士卒心辛亥九月省城兵變率所部拒戰自晝達夜傷亡過半部下從戰無忍去者猝中礮歿於陣事聞奉旨照正參領陣亡例從優賜卹辛亥殉 難記

孔繁琴山東人官滇久宣統初領開化巡防營新軍變脅之降不可中十三槍而殞每發一槍問降否曰不降至十三槍乃中要害死嗚呼烈矣辛亥殉 難記

毛汝霖字澤卿四川成都人一作山西人雲南候補知州工書法明習吏治

初權麗江釐金歷知晉甯州雲南縣事多惠政宣統三年權永昌府釐金知府宋聯奎擢迤西道去保山縣陳文燦護理知府汝霖兼攝縣事文燦有事於騰越汝霖又代行知府事九月初六日騰越兵變

永昌民大恐汝霖集民團爲守禦計十二日夜方午昆明電傳省城
變亂汝霖知事不可爲遽仰藥死遺書一紙謂國體可易臣節不可
易又謂恢復故土固所願所恨王羅二營官不相能將爲地方患耳
王桂清者性陰鷲與羅某並充新軍管帶官積隙相仇民軍入城羅
不屈遂遇害

參辛亥殉難記趙式銘
祭保山縣毛令文序

石家銘字訂西湖南湘潭人以治刑名游滇佐大府幕尋以縣丞候
補累擢至知府宣統元年補昭通府三年移攝澂江尋改開化清理
積獄士民頌之九月十五夜開化兵變先是省城電調總兵夏文炳
率防軍赴援家銘夜馳至文炳營議以駐城兩營往別募團兵爲守
城計質明還書諭帖百紙遍告各團而關道龔心湛電至抽調防營
家銘與文炳謀令周天長李家佑各募一營分守要隘金殿舉余樹

松別募土著守府城紳團來城求勿抽調者踵相接文炳率四十人
以行規至蒙自定進止已而蒙自電阻家銘懼蒙自變則十餘營餉
源絕馳書趣文炳歸相與畫籌餉策文山知縣劉臣堯曰吾從蒙自
來聞關道方發開化防餉請委員迎提便於是命殿舉往而城內獨
倚樹松樹松所募初成軍請點驗發械文炳不至家銘獨往夜詣文
炳議防守比還得臣堯書言城外居民恟懼多徙入城家銘與紳士
萬里恩出巡城夜半樹松卒至曰事急矣若輩變吾將出隊語畢遽
反走俄槍聲四起圍府署署中僅保衛隊二十名槍枝二十彈三千
家銘督隊發槍相持翌日日加辰哨官李桂清一作李世清
雲南江川人曰子彈盡矣
外無援兵奈何家銘夙自矢與城存亡欲燃火油闔室自焚爲隨從
所奪迺飲藥以殉年五十桂清曰石公死吾不獨生遂自殺於家銘

側

辛亥殉難
記兼採訪

琦璘字叔敏姓費莫氏滿洲鑲紅旗人貢生年十八以筆帖式供職戶部克自振拔在職凡十年歲辛丑以積勞除雲南澂江知府守澂四年整躬率屬銳意興革於學校蠶桑尤著成績丙午移順甯知府勤政愛民一猶在澂闢郡西鳳山以植茶樹順甯之有茶業自此始己酉滇西片馬界務交涉案起琦璘以順甯處滇極邊毘連英緬防衛自應周密聲應尤須敏速乘時請設防營電線以固邊圉時當辛亥秋季國體動搖電至順甯同官或以種族之嫌慮其爲梗琦璘乃集官紳於自治公所宣佈朝廷政治改革詔書及滇省響應武昌電文而諄諄以保民共相勗勉於防禦匪徒乘機煽亂尤深致意並解囊出千餘金犒軍士兵民歡洽秩序井井地方人士方額手稱慶乃

新纂雲南通志

卷一百八十七 名宦傳十 忠烈二 清

一四

有貪婪被撤之順甯縣令蕭桂祥哨弁秦豫章心銜琦璘暗地串通川匪譚占彪妄肆謠詠謂琦璘積金纍纍挑哨弁滕久名曾鏡良假排滿爲名挾所部防軍附和匪黨一擁入城時有駐軍防營哨弁石慕唐者素持正義仰天泣誓曰琦公保郡安民平日且無失德今禍成噬臍害琦公即害順民安可與共戴天立擊之以寡衆不敵中彈斃匪衆遂入署搶掠僅得鹽課四千金餘皆書物蓋琦璘素廉介除犒軍餘俸外別無有也琦璘力窮出走伏山中遺書順雲協馬長安請平亂事以救人民殊馬部未至有無賴許超者貪匪賞探縛琦璘至譚占彪所譚叱令跪琦璘抗聲曰吾頭可斷吾膝不能爲若輩屈吾任若碎吾尸體望勿殘無辜小民一人譚占彪開手槍擊其膺遂被害時九月十八日也年三十有七亂平合郡聯名請於軍府優卹

其裔

辛亥殉難記胡作霖順甯府琦璘事略

胡國瑞字瓊笙湖南攸縣人光緒甲午舉人癸卯大挑用知縣發雲南乙巳署霑益知州一月中理積獄訟踰百大吏以爲才歲計考曲靖八縣最丁未署彌勒知縣十八寨有劇盜三年易八令莫能治國瑞至與營將謀曰請兵捕討彼得爲備出不意襲之可立擒也國瑞戎服佩刀先行兵繼進乘夜破賊巢擒况國玉雷珍張朝安等誅之盜藪一空戊申大水蠲賑並舉大吏以循績聞得旨嘉獎尋補江川辛亥擢大關同知並敘勞以知府用先是國瑞以疾乞休三請不許乃以修墓告既受代矣會聞變遣家屬行寓書其子庶華曰吾聞省垣不守方伯被戕餘無殉節者臣子之義萬古爲昭余雖無守土責然實官也俟北信當死以明吾志汝勿來發書後旬日訛傳京師破

新纂雲南通志

卷一百八十七

名宦傳十

忠烈一清

一一五

戒從者趨治裝明日汲者見井上雙履奔告從者往視之則屹立井中死矣年五十案上得遺書三背書二語曰自縊不死又復投井書中謂京師淪陷用以身殉雖達人所不取愚者終不失其爲愚於是後令楊宗熙買棺斂之明年夏庶華奉喪還攸彌勒士民請封其井題曰胡公井湘人旅滇者爲文表之而湘潭王闔運系之銘

銘序

辛亥殉難記王闔運胡公井